



BIBLIOTEKA


Zakł. Nar. im. Ossolińskich

XVII

1374







INFORMATION

HONORARIUM,
NOVO PALATINO VILN.
Illustrissimo DOMINO

D. IOANNICARO-
LO CHODKIEWICZ, CO-
miti in Szklow, Mysz & By-

chow, M. D. L. Exercituum Generali Prae-
fecto, Gubernatori Liunion, Derpatensi,
Luban, Velon. Capitaneo. &c.

NOBIS SUE DIGNITATIS SEDEM AV-

spiciat primum aduenti,

Cognatae obseruantiae ergo D. D.




Academicus humaniorum literarum cultor,

IOANNES HORSKI.

ANNO DOMINI. 1617

Archistrategae ad eas Meritos Rex avget, honores

VILNAE. In Typographico Acad: S. I.




Gryphus gladiifer, COMITIS decus est à Cæsare partum.
 Prætegit & Litauos CAROLVS ense suos.
 Cum Cruce calx, iaculum, fortemq; piumq; loquuntur :
 Tres galeæ ac fluvij, tres in Honore gradus.
 Gemmifer ales & W Vilnam Venit al te fausto.
 VILNA PALATINO plauditoratq; novo.

AD EVNDEM ILL.
D. PALATINVM.

Patere Illme. Dne, secundum publicas Regiæ vrbis
Vilnen. magno Lihuanix nobilioris concursu,
tuo, sui optatissimi PALATINI, aduentu summe ge-
stientis ac propè triumphantis gratulationes; secun-
dum felices & sanctas Academiæ, tuæ olim Altricis,
acclamations; meas pariter, privati quanquam & cres-
centis aducatis; tibi tamen, Illmæ. Ducissæ ZASLAV-
SKA, tuæ promaterteræ sanguine deuincti, humirepas
Hederas, tuos ad laureatos postes, adserpere. nume-
rosos ille literarii Honorarii non ponderosos, præten-
dunt capreolos, Fauoris tui adminiculū leni prænsātes
annisu. Te admittente, fulciente, fouente, vigorem se
viorem, decorem perennaturas, nullæ prorsus dubi-
tant. Diuturniorem sanè sibi pollicentur auram; atq̃
illa sacri vatis Ionæ hedera, quā vnus thripis arrolu,
vna nox emedulla vit. neq̃ enim liuidi cossi, victricem
tuam Laurum reuerituri, ad meas audebunt, opinor, se
penetrare latenter, quas tibi patenter sacratum eo, he-
deras. Vale Mecœnas ornatissime clientiq̃ tuo, tui
honoris studifissimo faue.

I. D. H.



HONORARIUM.



N noua fert animus, Dirces agitante co-
(rymbo,

Gaudia lætificosq; tuos, Gediminia, plausus
VILNA, PALATINIq; noui celebrare curules,
Inscriptasq; cedro venientibus edere seclis.

IOANNES CAROLVS COMES, Illustrissimus Heros,
Chodkieuicziades hic, dignus honore supremo;
Dignus adornari graphica arte, superstitute cedro.
Nempe caret carie, vel edace teredine cedrus.

Quæ cedrus illa? Typographice; pulcerrima rerum;
Immortale tuum, bone Guttemberge, repertum;
Sepia cum bibulæ, Prælo subigente, papyro
Manusq; notas inarat, vocesq; loquentes,
Vulgat & a pluteis uigilata volumina doctis;
Eq; laboratas orbi communicat artes;
Fortiaq; Heroum dat emenda nepotibus ausa,
Atq; imitanda pari, per aperta pericula, nisu.

Culto ars ore cani, multo ære ars digna rependi,
Loligo tua, fuligine oleata politis
Ingeniis parit ac nutrit memorabile lumen.
Versibus his dabis vna, negat quem Laurus, honorem.

Quan-

Quamquam, tu Cedrus; hoc æui, tuq; obuia Laurus.
Hæc, dabis, ætatem ferat, vt malè compta Camœna,
Prompta sed illa tamē Carolinæ applaudere pompæ,
Vilna Palatinum qua sub sua Pergama ducit.

Tempus erat, quo nocturnas librans diurnis
Lance Hyperionides pariauerat Helius horas,
Ver Antarcioo reuehens formosius orbi.
Collectâ Litaui gaudebant messe coloni,
(Torrida quam tenuem largita satoribus æstas)
Frugibus eq; nouis, sua per conuiuia, poscam,
Ad Ciceronæas, certatim hausere, placentas;
Gaudia vimineisq; tubis choreasq; ciere
Inflatis utribus, modulos edente cicuta.

Lætitiâ rude vulgus agens, Res publica luctu
Improbat, vt gemino, dolor heu, viduata parente;
Tergeminisq; tubis, quibus Aræ & castra sonabant.
Mitra pedūq; illas, Aquila has tulit & sacra Quincru.
Ergo, PALATINO RADIVLO AC PRÆSVLE WOYNÂ
Orba iterat gemitus, querulisq; repostulat Astra
Vocibus his; rerum Deus ô hominumq; repertor,
Vnice ô humanæ labis scelerumq; piator,
Spes mea visq; potens, Amor ô meus atq; voluptas;
Illa ego, depulsis, rege à Iagelone, Deastris,
Vero imbuta, tuum fero, tutor, & amplio cultum.
In me curadeò, Deus ô mitissime, sæuis ?
Saucia sum telis tot, in hoc quæ non semel anno,

In caput indignata meum tua dextera torlit.

Pontifici uoynæ inferias vix pallida soluo,
Quem patriæ extinctum, dolor, virbs Patauina remisit.
Rege fluentorum Eridano, Viliæq; gemente.
(Non ita deflerunt mersum Phaethonta sorores,
Vt woynam flerunt mecum fora, templa, Lycea,
Regiaq; ipsa, cui vixit charissimus, aula)
Vix huic exequias paro, vix huic mœsta parento
Pontificiq; patriq; meo, graphiceq; notatam
Flauenti ære tego cryptam; nigrantibus alis,
Niesuisio cùm Fama volans canit, Atria Diuûm
Acciuisse Palatinum radiuilon, vt annis
promeritisq; grauem, pietatis & artis Asylon:
Cui virtus omnis fuit omni Principe digna;
Præcipuè pia cura sui, pia cura sacrorum.

Credo sacram Solyment diuini & conscia partûs
Mœnia, & ad nilum profugi regna hospita Christi,
Quæ Princeps, pietate iter hoc vincente, petiuit,
Huius famâ obitûs æquo indulsisse dolori.

Quin Dux astrorum, Dueis huius fata notauit
Proxima, niesuisii trifido Sol orbe relucens,
Ciuiibus incussitq; metum trepidisq; Camœnis;
Iis in Herô trepidis in fundatore Camœnis.
Namq; his NIESWISII fundauerat ille Lyceon.
Me dolor altus habet: gemino viduata phanete
Mî videor, sine quo nosciscere cuncta videntur.

Non

Non tamen est excussa tui fiducia, non spes,
Alme pater : mihi tu, pulsa caligine, lucem
Restituisse paras ; vbi tanto munere dignos
Sufficis, ereptis rerum templiq; Magistris.
Pontificemq; palatinumq; à rege statutos ,
Quos volui, audieram ; lituis succedere tela ,
Tela tremenda hosti, rerum incrementa datura.
(pugna tubam sequitur) sed non ea Fama sat omnem
Dispellit nebulam, nisi Sol videatur vterq;
Illustrare suam, quæ mecum luxerat , urbem.
O properate Duces, solamina, lumina ferte.

His aliisq; modis respublica visa precari.
Ætheris huic nec erat clementia surda precanti.
Namq; per Aligerum, Litauam qui pervigil oram
Protegit, Ethnarchen, dedit hoc solaminis ægræ ;
Chara Piatori, Litauæ respublica gentis,
Parce queri ; longo tandem te soluito luctu.
Balthiæcas petat omnis aquas plangorq; dolorq;
Principibus viduam qui nubilat hæcenus urbem.
Semper in hoc mundo miscentur tristitia lætis,
Prospera luctificis, infortunata secundis.
Alternare solent cum sudo nubila cœlo,
Exercere tuos iuuat hac ratione colonos.
Sorte premente, Deo se dignos fingere discant.
Principibus binis, te læsit, ad æthera vectis,
Qui regit ætherios nutu, quos condidit, orbes.

principibus binis aliis, tua vota secutus,
Teq̃ tuosq̃ beat, recreatq̃ facillimus idem;
Eia age tristificis succedant gaudia curis.
Protinus haud adsunt ꝛ non cura remordeat hæc te.
Præses vterq̃ tui memor est, vbicunq̃ locatus.
Pontificē adducent tibi Martinalia sacra,
Diui martini auspiciis, qui norma Sacrorum
Aurea Pontificum fuit, ipse Cathedran adibit.
Ceu diui auspiciis dionysij is vnctus ad aram
Rite datum capiet sacri gestamen honoris;
Pallam, dactylion, lituumq̃ mitramq̃ bicornem,
Rege & Regina, quibus acceptissimus idem,
Semper erat, decoraturis hierarchica sacra.

Cura palatinum polemarchica distinet ipsum:
hostiles cuneos uigil hic à finibus arceat;
Atq̃ Smolenscanam tutatur prouidus arcem.
Non patrem patriæ hæc pia sollicitudo sinebat
Dilecti nati deducere corpus humandum;
Num reuocabit eum decoramen honoris adaucti ꝛ
Contemptor lucis, contemptor honoris hic ingens.
Nempe palatini titulum solius amore
Admisit patriæ; ratus hîc par cedere Regis
Carolus imperijs, oneriq̃ subire molesto.
Omnis honos onus est, quantum huic, ô Patria, debes!
Tutelam huic debes, inimicorumq̃ repulsam,
Limitibusq̃ tenus, quæ res tibi chara, quietem,

Pro te seruanda, caput obiectare periclis,
Pro te, virifragos amat hic tot adire labores:
Pro te, tot fundos effundit opesq; paternas.
Tu Cor ei, vel si quid habes preciosius, offer.
Huius ad Antipodas volat, & super æthera, virtus.
Et CAROLVM CHODKIEVICVM canit vltima Thule.
Æmulus hic magni Radiuili, sacra propagat;
Virginibusq; virisq; sacris sacra limina condens;
Vt CAROLOSTADIVM, seu nota Cretinga loquetur;
Nuperus & quod fundauit KROZENSE Lyceon,
Artidocis patribus, natis formare iuuentam.
Ille tuam Vilnam recreabit, tempore verno;
Hic vbi consilium sumis de rebus habebit.
Tempore pomifero præsul, brumaq; propinqua,
Præsul vt astra prior petiit, tibi tædia tollet.
Incolumem tibi vtrumq; ducem pia numina seruent.
Dixit & ad Superos paribus se sustulit alis.

His hilarata ouat exultim Respublica dictis,
mortatur Litauos, dominamq; ante omnia Vilnam,
Pontificemq; pari Palatinumq; paratu,
Excipere. Et paret lætissima Vilna, paratq;
Solemne Eustachio, tumq; exhibet ordine pompam.
Anteunt in equis procures cisisue rotatis.
Ciuius ordo pedes sacra sub sua signa tributim.
Ascetæ hinc varii, tum Clericus ordo secutus.
Sacratos inter procures antistes it ipse.

Cādida Palla humeros, caput infula cādida velat.
Fausta gregi ille, crucem dextra formante, pre-
Catur.

Struxit honorificum flos huic Academicus arcū.
Vnde salutauit vario hunc discrimine vocum,
Angelico alloquio, fidibusq; tubisq; sonoris.
Eustachium inde dabat, sua per proscenia, Dium.
Vrbs ouat hocce nouo, figitq; in præsule vultum,
Oris honore graui, comi morumq; modesto,
Cui mentem decorat cum pallade plurima virtus.
Vilna Sigismundo grates, sibi reddita, Regi,
Cum cunctis agit ordinibus, de Trætide utroq;.

Nacta hierarchan, auet sinul ora cupita tueri
Vilna Palatini. Mora ne qua sit, ocyus horas
Floricomiveris iubet appropere. nec ista
lufsio vana. tepescit hyems, niuis algor ab imbre.
Crebro victus abit: viror hinc, viror inde reuertus.
Ante diem teneræ salices gemmascere vix.
Tuppurat & violis tellus aprica nouellis.
Virgineis noua ferta comis aptantur & aris.
In calathos legit hasq; suos, per opaca recondens,
Villiadum chorus, optato, quas, mœnia Vilnæ.
Ingrediente palatino, per compita, spargant.

Iamq; optata dies aderat, cum portitor helles
Phœbum bis decies circum egerat astra quaterq;.
Vilna n intrat Carolus procerum comitante cateruâ

Publi-

Publica quos plures rapuere negotia Vilnam.
Consiliaturos, quo regius ordine princeps,
Quaue ope Moschouias sit is educendus in oras;
Imperium in magnum quod ei decreuit Olympus.
Quanta hic lætitiâ; quo Vilna fremebat ouatu;
Quis memorare queat? non si mihi carminis author
Delius inspiret numeros venamque fluentem,
Maiestate pari verborum expromere possem;
Qua pompa ciues, quibus excepere Camœnæ
Plausibus heroem duce pallade, quæ cor eidem
Dat sapiens, viresque animi Fortissima virtus.
mars quoque spōdet opem, cumque hercule Martia pubes
Obsequiumque suum. Soror Enceladique volucris,
Vulgatura decus Caroli nomenque per orbem.
Pegma ubi pyramidale stetit, uisi unde profari
Floribus æoniis & versicolore papyro
Vestitur paries plateæ, quæ ducit ad Ædem
Summam, quam Carolus pia vota daturus adiuit.
Ille labor vatum, variis emblematis, multâ
Laude, palatini Mauortia publicat ausa.

Vilna quid vrbs? quod honorificū dedit obuia pignus?
Obuia tota ruit, peditumque equitumque cateruis,
Quas claudit Thomas Digon, hoc Consul in anno:
Rite palatinum, paucis præfata salutatur;
Gaudia testificans plausu sonituque tubarum;
Introducitur cum, solioque imponitur æerno.

dat

Dat cataphractū equitem, dat quadrifidāq; columnā;
 Signa PALATINI quæ gestauere priores:
 Mentoreū hinc dat opus, memorabile pignus honoris.
 Scilicet aurum ingens; curas cratera fugantem,
 Et mala Castrorum merfantem in amystide suauī.
 Materiem superabat opus, namq; vndiq; signis
 Asper imaginibusq; fuit: celata gerebat
 Chodkieuiciadūm crater insignia facta.
 Visitur hīc hominum & series longissima rerū.
 Eminent inter eos bello clarissimus Heros,
 Progenitor CAROLI, ZASLAVSKA ē matre, IOANNES:
 Sospite quo duce militiæ Lithuania nullas
 Hostiles metuit, namq; obstitit ille, procellas.
 Cæsaris hic etiam Caroli insita prælia Quinti:
 Vt quorum Chodkieuicius pars magna IOANNES.
 Cernitur hunc Cæsar, pro tam prælustribus ausis,
 Eximio COMITIS titulo decorare merentem;
 Gryphemq; ensiferum superaddere Stemmā auito.
 Cæsarei memor hic animi mentisq; benignæ,
 Ferre dedit nato CAROLI prænobile nomen;
 Teutonica quod voce virum sonat. Iste virum se
 Pro patria præstat, mouet arma virilibus ausis;
 Degener haud patriæ virtutis & artis Achilles.
 Rexq; Sigismundus, meritis pro talibus illum
 Tergit honorificis titulis ornare gradatim.
 Ordine quos rutilo crater ostendit in auro.

Hic

Hic Samogitiacis dare iura iubetur in oris.
Exultans ouat hoc Samogitia præside tanto.
Militiæ hic Lithauæ imperium Rex mandat eidem,
porrectu clauæ Lithauo applaudente ducatu.
Et spectantur in hoc obitæ celamine pugnæ.
Moldauica, ante alias, Sario duce, hic emicat ardens,
primus inire alacer postremus ponere martem.
Dat stragem; michaelæ stetit victoria fuso.
huius ope, arx kokenhausensis, cæso hoste reuenit.
stant aliæq; vrbes CAROLI virtute reducæ.
derpatum obsidio, scanlo per nauia muro;
et strata mansfeldi acie, dunamunda, Strategi.
marte sudermannus quas CARLVs habebat iniquo;
Liuoniæ populatus opes, regnoq; paterno
Legitimum (scelus) excutiens regem atq; nepotem.
Victus hic amissa, stat ubi kyrcholmia, pugnâ,
Cernitur hic in equo rapido ad sua carbasa ferri.
Flet uictor CHODKIEVICVS tot millia cæsa.
hic sub Reualiam duo millia, quinque sub Album
Congressus Lapidem Sueconum de gente cecidit.
hic deciesq; quaterq; illorum millia strauit.
Cæforum ingentes tumulos & Mentor acervat;
In medio statuens, inscripto epigrammate, cippum.
Luo, Sudermannus Dux vincti KAROLVS infert?
Vim CHODKIEVICVS KAROLVS, en, reprimit:
Ergo gubernator tuus ille fit, vt fuit vltor.
huic alacris pare, quo Duce parata salus.

mosco

Moschouios aliâ videas in parte labores;
Atq; reſeruos, per aperta pericula, ciues;
Soluſ hic obſidione ſuos bis terue moſaiſci,
Paruo vbi fudiſſet cum milite millia centum.
moſcua ſtaret adhuc Carolo ſub præſide fida,
ſi non ſuppetiæ tunc ære manuq; deeſſent.
Ergo per hoplomachos ſtabiles vt parta tueri
Pergeret; hoſtiliq; illos retineret in orâ,
nis precioſum abacum argentoq; auroq; nitentem
Diuidit ipſe ſuum, patrimonium vt antè profudit
In ſimiles caſus: adeò huic eſt patria cordi.
Præcipua ſed in hoc opere eminet arte Smolenſcum,
Regis Sigſmundi decus ac illuſtre trophæum;
Vnde famies toties Caroli depulſa labore;
Impoſituſq; nouus, deſenſo limite, miles.
Ergo canit Carolo Præconia iure Smolenſcum
Timoleon meus, inquit & hoſte, Camillus, abactio.
Iure palatini rex hunc & adornat honore.
Multa recuſantem; cuius vigilantia fines
Hactenus à moſchis tutata fuiſſet aſilis.

Vere incunte, Vladiflaum, CHRISTO auſpice, natū
Se Rex moſcouicas miſſurum ſpondet in oras,
Lechiadū cinctum Litauūq; fideliter armis:
Et confert in opus quod alacriter ille ſponpondit,
Sextus Aprilis erat, cum regius, alite fauſto,
Princeps Varſauiam, Patre deducente, reliquit.

Viflus

Vistula, Lechiadum regina, hæc addit, aqua; ū;
 Ægre equidem sino te proficisci, regie Princeps,
 Lætum hac nauigerâ quem vexi sæpius vndâ;
 Quo minor Æsonides, aurato vellere clarum.
 Vade tamen, quò Fata vocant, Patriamq; tuere;
 Atq; mihi Tanzin, si debita posco, marita.
 I, pete Moscouiam, pede, WLADISLAE, secundo;
 Quosq; Comes CAROL9 procul hæten9 arcuit hostes
 Prosubige armipotens: tibi seruiat omnis vt Arctos.
 Hæc vt ait, mox Vistuladum chorus affonat iò,
 / iuat iò vVLADISLAUS pariatq; triumphos.


Iam verò tibi magne Comes, quem nostra Camœna
 Hoc decorare breui studet, officiosa, libello,
 Pro patriâq; obitos, hilari, reuocare labores;
 Dulce sit hoc inito meminisse in honore malorum.
 Ne mala rere, quibus patriæ Ilias acta malorum,
 Finibus à Patriæ toties quibus hostis & actus.
 Gloria parça tibi, nomen, laus, culmen honoris:
 Culmen, inocciduo Diuûm vt præludat He o .

C H R O N O S T I C H O N .

VILnapaLatInI tibi fasCes, CaroLe, Detent,
 IDy's Apriles Confona facta notant.



631/2



8014

6376
31

